



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 56. Edicta adversus Hugonottas in Galliis.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

rejecit, eoquod nec unquam Turcarum Sæc. XVII.
 Imperator de hac rapina questus esset, A. C. 1665.
 nec aliunde Sultana, vel earum filii
 sine valido satellitio, atque exercitu
 maritimum iter aggredi permittantur:
 Utut autem res se habuerit, id om-
 nino certum est, quod hic puer infide
 Catholica a Melitensibus enutritus,
 adolescens sacrum Fratrum Prædica-
 torum institutum professus sit, vulgo
 Dominicus Ottomannus dictus: Hic
 ergo a Rege & Regina Parisiis hoc an-
 no honorifice exceptus, aliquamdiu
 ibidem substitit, ab omnibus ob vir-
 tutum merita maximo in honore
 habitus.

§. LVI.

*Edicta adversus Hugonottas in
Galliis.*

Postquam Hugonottæ in Francia no-
 vissimo bello repressi sunt, aliquam-
 diu quieti atque obsequiosi in Regno
 substiterant, non quod illis sectæ suæ
 congenita alienum imperium excutiendi
 voluntas defuerit, sed quia eorum po-
 testatem adversa belli fortuna exarma-
 verat: ubi vero Ludovico XIV. adhuc
 minorenni bellum civile in Galliis exor-
 tum compererant, in turbido piscandum
 rati, urbes & arces novis propugna-
 ous

*Calmet Hist.
 Univ. l. 154.
 tom. 17.*

Sæc. XVII. culis munire, Tempa pro suo arbitrio
 A. C. 1665 erigere, variisque modis Edicti Nanne-
ntensis privilegia extendere præsumple-
 runt: Hæc molimina nuperæ seditionis
 Regno tam feralis memoriam refrice-
 bant, quocirca Rex adultior factus, cum
 sibi probe persuasum haberet, religio-
 nis diversitatem, & præprimis Calvi-
 nianæ sectæ indolem Regno pernicio-
 sissimam esse, & ad independentem
 dominatum tendere, necnon Hugono-
 tas Regiæ gloriæ & Majestatis occultas
 quidem, infensissimos tamen hostes ex-
 terorum ope vasta Regis consilia ever-
 furos timeret, hinc eorum potentiam
 pro conservanda Regni sui securitate
 reprimere statuit: Fertur quoque, quod
 Anna Regina ejus Mater sæpius & qui-
 dem moriens in postrema adhortatione
 Filium suum ad extirpandam hanc se-
 ctam concitarit, & Ecclesiastici, necnon
 Aulici non raro eidem ob oculos po-
 fuerint, quod nunquam magnum ali-
 quid contra Franciæ hostes exequi
 posset, nisi prius ibidem Hugonotes
 merito pertimescendi hostes domestici
 fuerint domiti & subjugati. Postquam
 igitur Rex proprio experimento Mon-
 talbensium Calvinistarum ausus, cre-
 brasque eorum violationes Edicti Nan-
 nensis edoctus erat, hoc anno præ-
 cepit, ut intra octiduum comprobarentur,
 quo

quo jure suæ sectæ exercitio potirentur, & cæmeteria, Tempa, Collegia & Scholas erexerint. Hunc in finem Sæc. XVII.
A. C. 1665. regiones nominabat Deputatos, qui præ-
tensa hæc Calvinistarum jura novo sub-
jicerent examini, & ubicunque hi ju-
ris sui possessionem ac titulum vindicare non possent, eorum templa everterent, eisque sectæ suæ usum adimerent. Deputabat insuper Rex alios, qui Calvinistarum partes tuerentur, ne æquitatis limites sub adulterino religionis Zelo excederentur. Die etiam trigesima Januarii Rex promulgato edicto decretum anno priori die tertia Novembris conditum innovavit, vi cuius pueris, quatuordecim, puellis vero duodecim annos natis libertas concedatur, aut ad suos Parentes, ut ab eis educantur & alantur, revertendi, vel ab eis portionem suis facultatibus congruam exigendi: inde vero factum, ut & plures infantes, qui ultro sese ad suscipienda religionis Catholicæ sacra offererebant, reciperentur, nec amplius eorum Parentibus redderentur, quibus tamen illos vi eripere Rex inhibuit, ac violenter abstractos restitui præcepit: alio autem edicto die duodecima Maji statuit, ut deinceps Parochis non esset permissum, infirmos Calvinistas passim accedere, atque ab eis, in quam reli-

Sæc. XVII. religione mori vellent, deposcere, sed
A. C. 1665. prius Judex aut Consul, id ab ægri-
 peteret, acceptoque reponso tunc pri-
 mum Parochus accederet. Plura ad-
 huc alia edicta hoc anno contra
 Hugonottas fuere promulgata, quibus
 eorum audacia repressa, numerus im-
 minutus & privilegiorum, quæ armata
 vi, & seditionis ope extorserant, ex-
 cessus fuit restrictus.

§. LVII.

*Monasteriensis Episcopi bellum contra
Batavos.*

Newville!
Hist. d'Holl.
t. 2. c. 3.
pag. 140.
Tuld. Hist.
Decen. l. 3.
Hode Hist.
de Louis
XIV. l. 28.

Sedato Monasteriensis urbis tumultu
 Christophorus Bernardus de Gallen
 hujus loci Episcopus graviter collide-
 batur cum Batavis; cum enim mortuo
 improli Justo Comite de Bronchtort
 Borkeloa Zutphanienfis Comitatus di-
 ctio, utpote feudum masculinum ad
 Monasteriensem Episcopatum devolve-
 retur, eam Episcopus Imperialis Ce-
 riæ Spirensis sententia fretus, occu-
 pavit, missoque Hagam Comitum De-
 cano a Fœderatis Ordinibus hujus di-
 ctionis possessionem sibi asseri petiit. Opi-
 tulabatur etiam Episcopo Galliarum
 Rex, qui causæ hujus æquitatem per
 suum Legatum Belgis impense com-
 mendabat: incassum tamen omnia; vanis
 enim